

01 DEC 1999

AZHAR TERIMA ANUGERAH KAPTEN KEHORMAT

LANGKAWI, 1 Dis (Bernama) -- Pelaut negara Datuk Azhar Mansor dianugerahkan Kapten Kehormat Tentera Laut Diraja Malaysia malam ini berikutan kejayaannya mengelilingi dunia secara solo dengan kapal layar.

Anugerah itu disampaikan oleh Perdana Menteri Datuk Seri Dr Mahathir Mohamad dalam satu jamuan makan malam bersempena Pameran Maritim dan Udara Antarabangsa Langkawi (LIMA '99).

Azhar, 41, mencipta rekod dunia dengan menjadi pelayar pertama mengelilingi dunia secara solo menggunakan kapal layar mengikut laluan Timur-Barat-Timur bermula dari Pulau Langkawi.

Kejayaan beliau telah disahkan oleh Majlis Rekod Kelajuan Pelayaran Dunia (WSSRC), yang berpangkalan di London baru-baru ini.

Berikut kejayaan itu Azhar telah dianugerahkan pingat yang membawa gelaran Datuk pada 18 Mei lalu oleh Raja Perlis.

Azhar memulakan pelayarannya untuk mengelilingi dunia secara sola pada 2 Feb lalu dan kembali dengan selamat pada 11 Ogos, setelah mencatatkan 25,000 batu nautika dalam tempoh 190 hari.

-- BERNAMA

NH/gm RI